

"Салық және бюджетке төленетін басқа да міндетті төлемдер туралы" Қазақстан Республикасының Заңына өзгерістер мен толықтырулар енгізу туралы

Қазақстан Республикасының Заңы 2001 жылғы 23 қаңтар N 147-II

1-бап. "Салық және бюджетке төленетін басқа да міндетті төлемдер туралы" Қазақстан Республикасының 1995 жылғы 24 сәуірдегі

Z952235_

Заңына

(Қазақстан Республикасы Жоғарғы Кеңесінің Жаршысы, 1995 ж., N 6, 43-құжат; N 12, 88-құжат; N 23, 152-құжат; Қазақстан Республикасы Парламентінің Жаршысы, 1996 ж., N 1, 180, 181-құжаттар; N 11-12, 257-құжат; N 15, 281-құжат; N 23-24, 416-құжат; 1997 ж., N 4, 51-құжат; N 7, 82-құжат; N 10, 112-құжат; N 11, 144-құжат; N 12, 184, 188-құжаттар; N 13-14, 195, 205-құжаттар; N 20, 263-құжат; N 22, 333-құжат; 1998 ж., N 4, 45-құжат; N 14, 197, 201, 202-құжаттар; N 23, 425-құжат; N 24; 436, 442, 445-құжаттар; 1999 ж., N 6, 192, 193-құжаттар; N 20; 731-құжат; N 21, 786-құжат; N 23, 928-құжат; N 24, 1067-құжат; 2000 ж., N 3-4, 65, 66-құжаттар; N 10, 234-құжат) мынадай өзгерістер мен толықтырулар енгізілсін:

1. 1-баптың 1-тармағы "актілерді қоспағанда)," деген сөздерден кейін "Трансферттік бағаларды қолдану кезіндегі мемлекеттік бақылау туралы"

Z010136_

Қазақстан Республикасының Заңынан," деген сөздермен толықтырылсын.

2. 5-бапта:

6-тармақша "лизингке" деген сөз "қаржы лизингіне" деген сөздермен ауыстырылсын;

13) тармақшада:

в) тармақшасының бесінші және алтыншы абзацтары мынадай редакцияда жазылсын:

"нақты қызмет көрсету орнына қарамастан, егер Қазақстан Республикасында орналасқан резидентке немесе тұрақты мекемеге шегерім ретінде есептелетін болса, басқарушылық, қаржылық, консультациялық, аудиторлық, маркетингтік, заңгерлік және адвокаттық қызметтен алынатын табыс;

егер Қазақстан Республикасының аумағындағы қызметіне байланысты Қазақстан Республикасында орналасқан резидентке және (немесе) тұрақты мекемеге шегерім ретінде есептелетін болса, жұмыстарды орындауға (қызмет көрсетуге) жасалған келісім-шарттар (шарттар, келісімдер) бойынша және (немесе) тауарлар жеткізуге жасалған сыртқы сауда келісім-шарттары бойынша міндеттемелерін орындамағаны немесе тиісінше орындамағаны үшін тұрақсыздық төлемі (айыппұл санкциясы);";

г) тармақшасы мынадай редакцияда жазылсын:

"г) ашық акционерлік қоғамдардың бағалы қағаздарын өткізу кезінде құнның өсуінен түсетін табысты қоспағанда, резидент-заңды тұлғадан және осындай заңды тұлғадағы қатысу үлесін сатудан түсетін дивиденд нысанындағы табыс;";

д) тармақшасы "болса," деген сөзден кейін "борыштық бағалы қағаздар бойынша табысты қоспағанда," деген сөздермен толықтырылсын;

к) тармақшасындағы "төлемдері" деген сөз "сыйлықтары" деген сөзбен ауыстырылсын;

мынадай мазмұндағы 15-1) тармақшамен толықтырылсын:

"15-1) заңды тұлғаның өзге де оқшауланған құрылымдық бөлімшесі - орналасқан жеріне оның міндеттерінің бір бөлігін орындайтын тұрақты жұмыс орны жабдықталған , заңды тұлғадан аумақтық оқшауланған кез келген бөлімше. Егер жұмыс орны бір айдан артық мерзімге құрылған болса, тұрақты деп есептеледі;";

19) тармақшадағы "лизинг" деген сөз "негізгі құралдардың қаржы лизингі" деген сөздермен ауыстырылсын;

46) тармақшада:

в) тармақшасы "операциялар" деген сөзден кейін ", сондай-ақ сақтандыру брокерлерінің (сақтандыру агенттерінің) сақтандыру (қайта сақтандыру) шарттарын жасау мен орындау жөніндегі қызметтер көрсетуі;" деген сөздермен толықтырылсын;

д) тармақшасы мынадай редакцияда жазылсын:

"д) негізгі құралдардың қаржы лизингі;" .

3. 6-бапта:

1-тармақтың үшінші бөлігі мынадай редакцияда жазылсын:

"Заңды тұлғалар Қазақстан Республикасының заңдарында белгіленген тәртіппен өзінің филиалдары, өкілдіктері және өзге де оқшауланған құрылымдық бөлімшелері үшін табыс салығын олардың орналасқан жері бойынша тиісті бюджеттерге не Астана, Алматы қалаларының тиісті бюджеттеріне немесе облыстық бюджеттерге төлейді.";

6-тармақтағы "өзі өндірген тауарларды" деген сөздер "өзі өндірген ауыл шаруашылық өнімдерін, сондай-ақ өзі өндірген ауыл шаруашылық өнімдерін қайта өңдеуден алынған өнімдерді" деген сөздермен ауыстырылсын.

4. 9-баптың 4-тармағының 1) тармақшасы мынадай редакцияда жазылсын:
"жеке тұлғалардың еңбекақы, сақтандыру және зейнетақы төлемдері түрінде алған табысы";

5. 10-бапта:
тақырыбы мынадай редакцияда жазылсын:
"10-бап. Жеке тұлғалардың еңбекақы, сақтандыру және зейнетақы төлемдері түрінде алған табысы";

2-тармақ мынадай редакцияда жазылсын:
"2. Жеке тұлғалардың еңбекақы түрінде алған табысына, сондай-ақ мыналар жатады:";

4) тармақша мынадай редакцияда жазылсын:

"4) жұмыс берушінің қызметкерлерді сақтандыру шарттары бойынша сақтандыру сыйлықтарын төлеуге жұмсаған шығындары";

3-тармақ мынадай редакцияда жазылсын:

"3. Қызметкерлердің жылдық жиынтық табысына тұруға және жол жүруге

арналған іссапар төлемдерінің құжатпен расталған нақты сомасы, сондай-ақ Қазақстан Республикасының Үкіметі белгілеген нормалар шегінде тұрған уақыты үшін төленетін тәуліктік шығындар енгізілмейді.";

мынадай мазмұндағы 5-тармақпен толықтырылсын:

"5. Сақтандыру төлемдері түрінде алынған табысқа сақтандыру ұйымдарының жинақтаушы сақтандыру шарттары бойынша төленетін, олар бойынша:

а) жинақтаушы зейнетақы қорларындағы зейнетақы жинақтары есебінен;

б) жұмыс берушілердің қаражаты есебінен сақтандыру сыйлықтары төленген сақтандыру төлемдері жатады.";

6. 11-бапта:

12) тармақша мынадай редакцияда жазылсын:

"12) банктердің бұрын шегерімге жатқызып, мәжбүрлі шығындар жасаудың

мөлшерін азайтудан түскен табыстары;"

мынадай мазмұндағы 12-1) тармақшамен толықтырылсын:

"12-1) жалпы сақтандыру саласы бойынша қызметті жүзеге асыратын сақтандыру ұйымдары үшін бұрын шегерімге жатқызылған, сақтандыру резервтерін азайтудан түскен табыс;"

14) тармақша "Заңның" деген сөзден кейін "20-4-бабының 3-тармағына," деген сөздермен толықтырылсын;

16) тармақшада "138-1-бабына" деген сөздер "138-бабының 1-тармағына" деген сөздермен ауыстырылсын.

7. 13-бапта:

3) тармақшадағы "инфляцияға орай түзетулер ескеріле отырып" деген сөз алып тасталсын, "акцияларды" деген сөз "акцияларын" деген сөзбен ауыстырылсын;

мынадай мазмұндағы 10) тармақшамен толықтырылсын:

"10) Қазақстан Республикасының заңдарына сәйкес мемлекеттік мекемелердің мемлекеттік кәсіпорындардан, сондай-ақ мемлекеттік кәсіпорындардың мемлекеттік мекемелерден қайтарымсыз негізде алған негізгі құралдардың құны."

8. 18-баптың 1-тармағы мынадай редакцияда жазылсын:

"1. Жалпы сақтандыру саласы бойынша сақтандыру қызметін жүзеге асыратын заңды тұлғаның Қазақстан Республикасының заңдарында белгіленген нормаларға сәйкес сақтандыру резервіне жасалған аударымдар сомасын шегеруге құқығы бар. V991052_

Қайта сақтандыру бойынша сақтандыру қызметін жүзеге асыратын заңды тұлғаның өмірді сақтандыру саласы бойынша қызметті жүзеге асыратын сақтандыру ұйымы жасаған, қайта сақтандыруға қабылданған шарттар бойынша аударымдар сомасын қоспағанда, Қазақстан Республикасының заңдарында белгіленген нормаларға сәйкес сақтандыру резервіне жасалған аударымдар сомасын шегеруге құқығы бар."

9. 20-баптың 6-тармағының 2), 9), 10) тармақшалары алып тасталсын.

10. 20-2-баптың 2-тармағындағы "салық жылының басында жұмсалған тіркелген активтерді қайта бағалау сомасы, сондай-ақ осы Заңның 20-8-бабына сәйкес айқындалған қайта бағалау сомасы" деген сөздер "тіркелген активтерді қосымша бағалау сомасы" деген сөздермен ауыстырылсын.

11. 20-3-бапта:

1-тармақтың б) тармақшасындағы "осы Заңның 20-5-бабына сәйкес айқындалатын қалдық құн бойынша" деген сөздер "баланстық құны бойынша" деген сөздермен ауыстырылсын;

2-тармақта:

б) тармақшасы мынадай редакцияда жазылсын:

"б) негізгі құралдар объектілерін уақытша консервацияға, қайта жаңғыртуға және техникалық қайта жарақтауға берген кезде, олар толық тоқтап тұрған жағдайда - баланстық құны бойынша;"

мынадай мазмұндағы в) тармақшасымен толықтырылсын:

"в) тіркелген активтерді есептен шығарған, жоғалтқан, жойған, бүлдірген, айырылып қалған кезде, тіркелген активтер сақтандырылған жағдайда - сақтандыру ұйымы сақтандыру шартына сәйкес сақтанушыға төлеген сақтандыру төлемдері сомасы негізге алынып анықталатын құны бойынша ішкі топтардың құндық балансында ескеріледі. Егер сақтандыру шартына сәйкес төленуге тиіс сақтандыру төлемдері тіркелген активтің бөлігіне жатса, онда шығып қалған тіркелген активтің құны сақтандыру төлемдері мен тіркелген активтің сақтандырылмаған бөлігіне жататын баланстық құнның сомасы ретінде

анықталады.

Тіркелген активтерді есептен шығарған, жоғалтқан, жойған, бүлдірген, айырылып қалған өзге жағдайларда баланстық құны бойынша ішкі топтардың құндық балансында ескеріледі."

12. 20-4-баптың 3-тармағының екінші бөлігі мынадай редакцияда жазылсын:

"Оларды үш жылдық кезең аяқталғанға дейін өткізген жағдайда жүргізілген шегерімнің сомасы жылдық жиынтық табысты ұлғайтуға жатады."

13. 20-5-бап алып тасталсын.

14. 20-7-бапта:

тақырыбындағы "лизинг" деген сөз "негізгі құралдардың қаржы лизингі" деген сөздермен ауыстырылсын;

2-тармақта:

бірінші бөліктегі "Лизингке (лизинг бойынша)" және "тіркелген активтердің" деген сөздер тиісінше "Қаржы лизингіне (қаржы лизингі

бойынша)" және "негізгі құралдардың" деген сөздермен ауыстырылсын;
екінші бөліктегі "лизингке берілген тіркелген активтердің" деген сөздер "қаржы лизингіне берілген негізгі құралдардың" деген сөздермен ауыстырылсын.

15. 20-8-бапта:

2-тармақ алып тасталсын;

3 және 4-тармақтар мынадай редакцияда жазылсын:

"3. Негізгі құралдарды қосымша бағалау сомасына 15 процент ставка бойынша табыс салығы салынады.

Табыс салығын төлеу қосымша бағалау жүргізілген айдан кейінгі айдың ішінде жүргізіледі.

4. Қосымша бағалау нәтижесінде есептелген амортизациялық аударымдарды шегерімдерге жатқызудан салық төлеуші есепті кезеңнің ішінде шеккен зиян салық салу мақсатында есепке алынбайды."

16. 20-9-бапта:

1-тармақ "тіркелген активтерді сатып алуға алынған" деген сөздерден кейін ", оның ішінде қаржы лизингі түріндегі" деген сөздермен толықтырылсын;

2-тармақ алып тасталсын.

17. 22-бап мынадай редакцияда жазылсын:

"22-бап. Сақтандыру сыйлықтары бойынша шығыстарға шегерім жасау
Жинақтаушы сақтандыру шарттары бойынша сақтандыру сыйлықтарын қоспағанда, сақтандыру шарттары бойынша сақтанушылар төлейтін сақтандыру сыйлықтары, шегерім жасауға жатады."

18. 27-баптың үшінші бөлігі мынадай редакцияда жазылсын:

"Осы баптың жоғарыда көрсетілген ережелері қосымша бағалау нәтижесінде есептелген амортизациялық аударымдарды шегерімдерге жатқызудан салық жылы ішінде келтірілген залалдарға қолданылмайды."

19. Мынадай мазмұндағы 4-1-тараумен толықтырылсын:

"4-1-тарау. Сақтандыру (қайта сақтандыру) ұйымдарына салық салу

28-1-бап. Салық салу объектісі

1. Өмірді сақтандыру саласы бойынша қызметті жүзеге асыратын сақтандыру ұйымының және қайта сақтандыру ұйымының өмірді, аннуитетті, жазатайым жағдайдан және аурудан сақтандыру шарттары бойынша сақтандыру (қайта сақтандыру) жүргізген жағдайда, салық жылы ішінде алуға тиіс (алған) сақтандыру сыйлығы түріндегі табысы табыс салығы салынатын объект болып табылады.

Сақтандыру (қайта сақтандыру) ұйымы өмірді сақтандыру жөніндегі қызметті жүзеге асыратын сақтандыру ұйымымен жасасқан және бұдан кейін тәуекелдерді қайта сақтандыру ұйымына берумен байланысты шарттар бойынша тәуекелдерді қайта сақтандырған кезде, осындай қайта сақтандыру шарттары бойынша төленген тиісті сақтандыру сыйлықтары сақтандыру (қайта сақтандыру) ұйымының салық салынатын объектісі болып табылмайды.

2. Осы баптың 1-тармағында көрсетілгеннен және инвестициялық табыстан басқа алынған (алынуға тиіс), сондай-ақ жалпы сақтандыру саласы бойынша сақтандыру қызметін жүзеге асыратын сақтандыру ұйымының және жалпы сақтандыру шарттары бойынша сақтандыру (қайта сақтандыру) ісін жүргізген кезде қайта сақтандыру ұйымының табыстары бойынша табыс салығы салынатын объект жылдық жиынтық табыс пен осы Заңда көзделген шегерімдердің айырмасы ретінде есептелген салық салынатын табыс болып табылады.

28-2-бап. Сақтандыру (қайта сақтандыру) ұйымдарының табыстарын есепке алу

Өмірді сақтандыру саласы бойынша қызметті жүзеге асыратын сақтандыру ұйымдары және қайта сақтандыру ұйымдары өмірді сақтандыру шарттары бойынша сақтандыру (қайта сақтандыру) ісін жүргізген кезде салық салу мақсатында инвестициялық табысты қоса алғанда, осы Заңның 28-1-бабының 1-тармағында көрсетілген табыс бойынша және өзге қызметтен болатын табыс, шығын бойынша бөлек есеп жүргізуге міндетті.

28-3-бап. Табыс салығының ставкалары

1. Сақтандыру (қайта сақтандыру) ұйымдарының 28-1-баптың 1-тармағында аталған табыстарына осы Заңда белгіленген шегерімдер жасалмай, алынуға тиіс (алынған) сақтандыру сыйлықтарының сомасынан 2 процент ставка бойынша табыс салығы салынуға тиіс.

2. Сақтандыру (қайта сақтандыру) ұйымдарының осы Заңның 28-1-бабының 2-тармағында көрсетілген, салық жылы ішінде алған (алуға тиіс) табыстарына осы Заңның 30-бабының 1-тармағында көрсетілген ставка бойынша табыс салығы салынуға тиіс.

28-4-бап. Табыс салығын төлеу мерзімдері

1. Сақтандыру (қайта сақтандыру) ұйымдары осы Заңның 28-1-бабының 1-тармағында көрсетілген табыстары бойынша табыс салығын ай сайын ағымдағы айдың

20-сынан кешіктірмей, салық жылы ішінде алынады деп көзделген (алынған) сақтандыру сыйлықтары сомасының 1/12 бөлігін негізге ала отырып төлейді.

2. Осы Заңның 28-1-бабының 1-тармағында көрсетілген табыстарды және инвестициялық табыстарды қоспағанда, салық жылы ішінде алынған (алынуға тиіс) табыстар бойынша осы Заңның 51-бабында белгіленген тәртіппен аванстық төлемдер төленеді.

28-5. Табыс салығы бойынша декларация және есеп

1. Сақтандыру (қайта сақтандыру) ұйымдары есепті тоқсаннан кейінгі айдың 15-інен кешіктірмей, осы Заңның 28-1-бабының 1-тармағында көрсетілген табыстар бойынша тоқсан үшін есептелген табыс салығы жөнінде есеп тапсырады.

2. Сақтандыру (қайта сақтандыру) ұйымдары салық жылының қорытындысы бойынша осы Заңның 49-бабында белгіленген мерзімде барлық табыстар жөнінде декларация тапсыруға міндетті.

3. Табыс салығын түпкілікті есептеу және төлеу осы Заңның 52-бабында белгіленген мерзімдерде жүргізіледі."

20. 30-баптың 2-тармағы алып тасталсын.

21. 32-бапта:

1-тармақ "Заңды тұлғаларға" деген сөздің алдынан "Осы баптың 3-тармағында көрсетілгеннен басқа жағдайларда" деген сөздермен толықтырылсын;

мынадай мазмұндағы 3-тармақпен толықтырылсын:

"3. Резидент-заңды тұлғаларға борыштық бағалы қағаздар бойынша төленетін сыйақыға (мүддеге) төлем көзінен салық салынбайды."

22. 32-1-бап "Шаруашылық жүргізуші субъектілер" деген сөздердің алдынан "Қызметкерлердің жинақтаушы сақтандыру шарттары бойынша жұмыс беруші төлеген сақтандыру сыйлықтары сомасын қоспағанда," деген сөздермен толықтырылсын.

23. 34-бапта:

1-тармақта:

1-1) тармақшаның үшінші абзацы "51 процентін құраса" деген сөздерден кейін "(есту, сөйлеу, көру қабілетінен айырылған мүгедектер жұмыс істейтін өндірістік ұйымдар үшін кемінде 35 процент)" деген сөздермен толықтырылсын;

2) тармақша алып тасталсын;

8) тармақшада:

"жабдықтарды" деген сөз "оларды" деген сөзбен ауыстырылсын;

"негізгі құралдар" деген сөздер "негізгі құралдардың қаржы" деген сөздермен ауыстырылсын;

5-тармақта:

4) тармақша мынадай редакцияда жазылсын:

"4) Зейнетақы төлеу жөніндегі мемлекеттік орталықтан зейнетақы төлемдері;

білім беру ұйымдарында оқытындарға Қазақстан Республикасының заңдарында мемлекеттік стипендиялар үшін белгіленген мөлшерлерде төленетін стипендиялар; жалпы науқастануына байланысты еңбекке уақытша жарамсыздығы бойынша әлеуметтік жәрдемақыларды, пайдаланылмаған жыл сайынғы еңбек демалысы үшін өтемақыларды, сондай-ақ жеке еңбек шартын бұзған кезде төленетін, орташа айлық жалақы мөлшерінен артық өтемақыларды қоспағанда, Қазақстан Республикасының заңдарына сәйкес берілетін атаулы әлеуметтік көмек, жәрдемақылар мен өтемақылар, әлеуметтік жеңілдіктер;

Қазақстан Республикасының заңдарына сәйкес қызметкердің еңбек міндеттерін атқаруға байланысты мертігуінен не денсаулығына өзге де зақым келуінен болған залалдың орнын толтыру (жоғалтқан жалақысына қатысты өтеуден басқа); P930201_V930037_

қызметкерлерге бала туған кезде, жерлеу үшін, құжатпен расталған, көрсетілген медициналық қызмет (косметологиялық қызметтен басқа) ақысын төлеу үшін 50 еселенген айлық есептік көрсеткіш шегінде берілетін материалдық көмек;

Қазақстан Республикасының заңдарына сәйкес жұмыс берушінің қызметкерлерді өндірістік қызметке байланысты мамандық бойынша оқытуға және біліктілігін арттыруға жұмсаған шығындары;

жинақтаушы зейнетақы қорларынан зейнетақы алушылардың жасасқан жинақтаушы сақтандыру шарты бойынша сақтандыру сыйлықтарын (аннуитет) төлеу үшін өмірді сақтандыру жөніндегі сақтандыру ұйымдарына жіберген зейнетақы төлемдерінің сомасы;

жұмыс беруші өз қызметкерлерінің жеке жинақтаушы емес сақтандыру шарттары бойынша төлейтін сақтандыру сыйлықтарының сомасы;

бұрын табыс салығы салынған ерікті зейнетақы жарналары есебінен жүзеге асырылатын зейнетақы және сақтандыру төлемдері";

б) тармақшаның екінші сөйлемі алып тасталсын;

7) тармақшадағы ", сондай-ақ мемлекеттік (ұлттық) лотерея бойынша ұтыстар" деген сөздер "және борыштық бағалы қағаздар бойынша сыйақы" деген сөздермен ауыстырылсын;

9-тармақ алып тасталсын.

24. 43-бап мынадай редакцияда жазылсын:

"43-бап. Негізгі құралдардың қаржы лизингі

1. Лизинг берушінің амортизацияға жататын негізгі құралдарды лизинг алушыға беруі, егер ол мынадай шарттарға сәйкес келсе:

1) лизинг беруші лизинг шартында уағдаласқан негізгі құралдарды сатушыдан өз меншігіне алуға және лизинг алушыға оны белгілі бір ақысын төлеген кезде, белгілі бір мерзімге, белгілі бір жағдайларда уақытша иелік етуге және кәсіпкерлік мақсаттар үшін пайдалануға беруге міндеттенсе;

2) негізгі құралдарды лизинг алушының меншігіне беру немесе лизинг алушыға тіркелген баға бойынша негізгі құралдарды сатып алу жөнінде құқық беру лизинг шартында белгіленсе;

3) қаржы лизингінің мерзімі негізгі құралдардың пайдалы қызмет ету мерзімінің 80 процентінен асып түссе, негізгі құралдардың қаржы лизингі болып табылады.

Қаржы лизингіне (қаржы лизингі бойынша) берілген (алынған) негізгі құралдардың құны лизинг шартын жасасқан кезде анықталады.

Салық салу мақсатында мұндай мәміле лизинг алушының негізгі құралдарды сатып алуы ретінде қаралады.

2. Осы баптың мақсаттары үшін негізгі құралдардың қаржы лизингінің мерзімі лизинг алушы шартқа сәйкес негізгі құралдардың қаржы лизингін ұзартуға құқығы болатын қосымша мерзімді қамтиды."

25. 49-бапта:

1-тармақтың 3) тармақшасындағы "500" деген цифрлар "2000" деген цифрлармен ауыстырылсын;

6-1-тармақ мынадай мазмұндағы екінші бөлікпен толықтырылсын:

"Ауыл шаруашылығына жатпайтын өнімді, өзі өндірімеген өнімді, акцизделетін өнімді және оларды қайта өңдеу өнімдерін сатудан табысы бар бірыңғай жер салығын төлеушілер бөлек есеп жүргізуге және олар бойынша табыс салығын есептеуді және төлеуді жүзеге асыруға, сондай-ақ жылдық жиынтық табыс пен осы бөлімге сәйкес жүргізілген шегерімдер туралы декларацияны табыс етуге міндетті."

26. 50-бапта:

4-тармақтың 3-1) тармақшасы алып тасталсын;

мынадай мазмұндағы 5-тармақпен толықтырылсын:

"5. Қазақстан Республикасының аумағында орналасқан тұрақты мекемелер және (немесе) Қазақстан Республикасының резиденттері салық жылында төленбеген қазақстандық көзден алынған табысты шегерімдерге жатқызған кезде төлем көзінен ұсталған салықты осы баптың 1-тармағына сәйкес, жылдық жиынтық табыс және салық жылында жүргізілген шегерімдер туралы декларация табыс еткен күннен бастап 10 күн өткен соң, бірақ есепті жылдан кейінгі жылдың 10 сәуірінен кешіктірмей аударуға міндетті."

27. 54-баптың 2-тармағы мынадай редакцияда жазылсын:

"2. Өзі шығаратын ауыл шаруашылық өнімдерін және оларды қайта өңдеуден алынатын өнімдерді сатудан түсетін айналымдар бойынша бірыңғай жер салығын төлеушілер қосылған құн салығын төлеушілер болып табылмайды.

Ауыл шаруашылығына жатпайтын өнімді, өзі өндірімеген өнімді,

акцизделетін өнімді сатудан түсетін айналымдар бойынша, сондай-ақ оларды қайта өңдеу өнімдерін сатудан түсетін айналымдар бойынша бірыңғай жер салығын төлеушілер осы Заңға сәйкес қосылған құнға салынатын салықты есептеуді және төлеуді жүзеге асырады."

28. 56-баптың 10-тармағы мынадай редакцияда жазылсын:

"10. Акцизделетін тауарлар бойынша акциз сомасы салық салынатын айналым мөлшеріне енгізіледі."

29. 56-8-баптың 2-тармағы алып тасталсын.

30. 57-баптың 1-тармағында:

3) тармақша "бағалы қағаздарды" деген сөздің алдынан "құжаттамалық нысанда шығарылған" деген сөздермен толықтырылсын;

12) тармақшаның үшінші абзацы "51 процентін құраса" деген сөздерден кейін "(есту, сөйлеу, көру қабілетінен айырылған мүгедектер жұмыс істейтін өндірістік ұйымдар үшін кемінде 35 процент)" деген сөздермен толықтырылсын;

мынадай мазмұндағы 14-1) тармақшамен толықтырылсын:

"14-1) бұрын жарғылық капиталға жарна ретінде алынған мүлікті қайтару;"

мынадай мазмұндағы 27) тармақшамен толықтырылсын:

"27) Қазақстан Республикасының заңдарына сәйкес негізгі құралдарды мемлекеттік

мекемелер пайдасына өтеусіз негізде беру, сондай-ақ мемлекеттік мекемелердің мемлекеттік кәсіпорындар пайдасына негізгі құралдарды өтеусіз негізде беруі;".

31. 62-бапта:

1-тармақтағы "2 және 3-тармақтарында" деген сөздер "2-тармағында" деген сөздермен ауыстырылсын;

3-тармақ алып тасталсын.

32. 65-бапта:

"осы баптың 4-тармағында көзделген жағдайларды қоспағанда" деген сөздер "тауарларды (жұмыстарды, көрсетілетін қызметтерді) жеке тұлғаларға (халыққа) қолма-қол есеп айырысып сату жағдайларын қоспағанда," деген сөздермен ауыстырылсын;

4-тармақ алып тасталсын.

33. 65-1-баптың 1, 2, 3-тармақтары мынадай редакцияда жазылсын:

1. Көлік-экспедиторлық қызметтер көрсететін, тасымалды тікелей жүзеге асырмайтын салық төлеушілер осындай салық төлеушілер көрсеткен қызметтер құны мен нақты жүк жөнелтушіге қатысты тасымалдаушылар көрсеткен қызметтер құнын көрсете отырып шот-фактура жазып береді.

2. Жүк жөнелтушілер үшін шот-фактураның көшірмесін жазып беру тікелей тасымалдаушылар берген шот-фактуралар негізінде жүргізіледі, осы баптың 1-тармағында аталған салық төлеушілер онда әрбір жүк жөнелтушінің тасымал көлемін көрсете отырып, олардың тізілімін жүргізеді.

3. Осы баптың 2-тармағына сәйкес табыс етілген шот-фактура жүк жөнелтушінің қосылған құнға салынатын салығына есептеуге жатқызу үшін негіз болып табылады."

34. 69-бапта:

1-тармақтың екінші бөлігінде:

"салық төлеушілерге" деген сөздерден кейін "(осы Заңның 138-2, 138-3 және 138-4-баптарына сәйкес салық салудың оңайлатылған режимін қолданатындарды қоспағанда)" деген сөздермен толықтырылсын;

"және" деген сөзден кейін "жеткізушілер салық органдарына табыс еткен қосылған құнға салынатын салық бойынша декларацияларда ескерілген салық сомасын қоса алғанда," деген сөздермен толықтырылсын;

мынадай мазмұндағы үшінші бөлікпен толықтырылсын:

"Егер дұрыстығын тексеру кезінде нөлдік ставка бойынша салық салынатын айналымдар мақсатында одан әрі пайдалану үшін салық төлеушілерге тиіп жіберілген тауарлар бойынша қосылған құнға салынатын салықты есептеу мен төлеу тәртібін

жеткізушілердің бұзу фактілері анықталған жағдайда, аталған артық сома жеткізушінің белгілі болған тәртіп бұзушылығын

жойғаннан кейін қайтарылады.";

2-тармақ алып тасталсын.

35. 70-баптың 4-тармағында:

бірінші бөлік "алымдар" деген сөзден кейін ", баждар, салықтар" деген сөздермен толықтырылсын;

екінші бөлік алып тасталсын.

36. 70-1-баптың 2-тармағы алып тасталсын.

37. 72-баптың 1-тармағы мынадай мазмұндағы үшінші бөлікпен толықтырылсын:

"Алынған тауарлар (жұмыстар, көрсетілген қызметтер) үшін ақы төлеу шетел валютасымен жүргізілген жағдайда, аталған тауарлардың (жұмыстардың, көрсетілген қызметтердің) Қазақстан Республикасы Ұлттық Банкі тауарлар (жұмыстар, көрсетілген қызметтер) алынған кездегі бағамы бойынша белгілеген теңгемен қайта есептелген құны салық салынатын айналымға енгізіледі."

38. 73-баптың 1-тармағының екінші бөлігіндегі "салық төлеушінің тауарлар (жұмыстар, қызметтер) жеткізу жүзеге асырылған айдағы" деген сөздер "осы Заңның 64-бабына сәйкес" деген сөздермен ауыстырылсын.

39. 75-баптың 3-тармағындағы "тауарларды өндіретін" деген сөздерден кейін ", бензиннің (авиациялық бензинді қоспағанда), дизель отынының көтерме және бөлшек саудасын жүзеге асыратын" деген сөздермен толықтырылсын.

40. 76-баптың 2-тармағындағы "маркаларымен" деген сөзден кейін "немесе есеп-бақылау маркаларымен" деген сөздермен толықтырылсын.

41. 80-баптың 1-тармағындағы ", 15-" деген цифр алып тасталсын.

42. 104-7-баптың 3-тармағында:

3), 4), 5) тармақшалар мынадай редакцияда жазылсын:

"3) ұйым таратылған немесе жұмыс берушінің қызметі тоқтатылған, қызметкерлердің саны немесе штаты қысқарған жағдайда жеке еңбек шарты бұзылған кезде, қызметкер әскери қызметке шақырылған кезде Қазақстан Республикасының заңдарына сәйкес орташа айлық жалақы мөлшерінде төленетін өтемақыға;

4) геологиялық-барлау, топографиялық-геодезиялық және іздестіру жұмыстарымен шұғылданатын қызметкерлердің Қазақстан Республикасының заңдарында белгіленген мөлшердегі далалық жабдықтылығына;

5) вахталық әдіспен жұмыс істейтін немесе жылжымалы сипатқа байланысты жұмыстарды орындайтын қызметкерлердің жалақысына қосылатын Қазақстан Республикасының заңдарында белгіленген мөлшердегі үстеме ақыларға;"

7) тармақша мынадай редакцияда жазылсын:

"7) Қазақстан Республикасының заңдарына сәйкес қызметкердің еңбек міндеттерін атқаруға байланысты мертігуінен не денсаулығына өзге де зақым келуінен болған залалдың орнын толтыруға (жоғалтқан жалақысына қатысты өтемнен басқа); P930201_V980612_";

11), 12), 13) тармақшалар мынадай редакцияда жазылсын:

"11) ұйыммен бірге басқа жерге жұмысқа ауысқан не көшкен кезде жол жүру, мүлікті жеткізу және үй-жайды жалдау бойынша құжатпен расталған шығындардың өтемақысына;

12) жалпы науқастануына байланысты еңбекке уақытша жарамсыздығы бойынша, жүктілігі және босануы бойынша әлеуметтік жәрдемақыларға және бала асырап алған әйелдерге (еркектерге) берілетін әлеуметтік жәрдемақыларға;

13) экологиялық апаттың немесе ядролық сынақ полигонындағы ядролық сынақтардың салдарынан зардап шеккен азаматтарды әлеуметтік қорғау туралы Қазақстан Республикасының заңдарына сәйкес азаматтарға берілген төлемдерге;"

15) тармақша мынадай редакцияда жазылсын:

"15) мемлекеттер, мемлекеттер үкіметтері және халықаралық ұйымдар желісі бойынша берілетін гранттардың қаражаты есебінен жүргізілетін төлемдерге;"

мынадай мазмұндағы 16) және 17) тармақшалармен толықтырылсын:

"16) Қазақстан Республикасының Президенті, Қазақстан Республикасының Үкіметі берген мемлекеттік сыйлықтарға, стипендияларға;

17) жұмыс берушінің өз қызметкерлерінің жеке жинақтаушы емес сақтандыру шарттары бойынша төлейтін сақтандыру сыйлықтарына;"

43. 104-8-баптың үшінші бөлігінде "облыстардың бюджеттеріне" деген сөздер "

облыстық бюджеттерге" деген сөздермен ауыстырылсын және "олардың орналасқан жері" деген сөздердің алдынан "тиісті бюджеттерге" деген сөздермен ауыстырылсын.

44. 104-9-бапта:

1-тармақтағы "Қазақстан Республикасы азаматтарының, сондай-ақ Қазақстан Республикасында тұрақты тұратын шетел азаматтары мен азаматтығы жоқ адамдардың еңбекке" деген сөздер "қызметкерлердің еңбегіне" деген сөздермен ауыстырылсын;

5-тармақтың үшінші бөлігіндегі "35" деген цифрлар "20" деген цифрлармен ауыстырылсын;

6-тармақ алып тасталсын.

45. 108-бапта:

2 және 3-тармақтардағы "Салық ставкасы, теңгемен" деген сөздер

"Салықтың базалық ставкасы, теңгемен" деген сөздермен ауыстырылсын;

4-тармақтағы "салық ставкасы" деген сөздер "салықтың базалық ставкасы" деген сөздермен ауыстырылсын;

46. 112-бапта:

1-тармақтағы "салық ставкасы" деген сөздер "салықтың базалық ставкасы" деген сөздермен ауыстырылсын;

2-тармақта:

бірінші бөлікте:

бірінші абзацтағы "салық ставкасы" деген сөздер "салықтың базалық ставкасы" деген сөздермен ауыстырылсын;

екінші және үшінші абзацтардағы "0,06" деген цифрлар "0,1" деген цифрлармен ауыстырылсын;

екінші бөліктің бірінші абзацындағы "салық ставкасы" деген сөздер "салықтың базалық ставкасы" деген сөздермен ауыстырылсын;

мынадай мазмұндағы 2-1-тармақпен толықтырылсын:

"2-1. Астана, Алматы қалаларының, облыс орталықтары мен облыстық

маңызы бар қалалар шегіне енгізілген елді мекендер үшін, осы қалалардың шекарасы өзгеруіне байланысты, жанындағы құрылғылар мен құрылыстарды қоса,

тұрғын үй қоры алып жатқан жерден басқа, үй жанындағы 0,1 гектардан асатын жер учаскелеріне жер салығының ставкасын жергілікті өкілді органдар 0,01 гектар үшін 20 теңгеден 600 теңгеге дейінгі мөлшерде белгілейді.";

3-тармақта:

"ставкалары" деген сөздің алдынан "базалық" деген сөз жазылсын;

"10 есе" деген сөз "2 еседен 10 есеге дейін" деген сөздермен ауыстырылсын;

мынадай мазмұндағы екінші бөлікпен толықтырылсын:

"Ставкаларды ұлғайтудың нақты мөлшерін жергілікті өкілді органдар белгілейді."

47. 113-бапта:

3-тармақ "ставкалар" деген сөздің алдынан "базалық" деген сөзбен толықтырылсын;

4-тармақ "ставкасын" деген сөздің алдынан "базалық" деген сөзбен толықтырылсын.

48. 114-баптың 1-тармағындағы "Салық ставкасы, теңгемен" деген сөздер "Салықтың базалық ставкасы, теңгемен" деген сөздермен ауыстырылсын.

49. 115-бапта "салық ставкасын" деген сөздер "салықтың базалық ставкасын" деген сөздермен ауыстырылсын.

50. 123-баптың 2-тармағының 3) тармақшасы алып тасталсын.

51. 125-1-баптағы "Жеке меншігінде немесе" деген сөздер және 125-2, 125-3-баптардағы "Жеке меншігіндегі немесе" деген сөздер алып тасталсын.

52. 125-4-бап мынадай редакцияда жазылсын:

"125-4-бап. Салықты есептеу, төлеу және декларация тапсыру тәртібі

1. Салық төлеушілер бірыңғай жер салығын жерді пайдалану құқығындағы жер учаскесінің бағалау құнын және салық ставкасын ескере отырып есептейді.

2. Бірыңғай жер салығы жер учаскесінің орналасқан жері бойынша тиісті бюджетке екі мерзімде - ағымдағы есепті кезеңнің 20 қазанынан және есепті кезеңнен кейінгі жылдың 20 наурызынан кешіктірілмей төленеді.

Бірыңғай жер салығын төлеушілер төлемнің бірінші мерзімінде ағымдағы есепті

кезеңде есептелген бірыңғай жер салығы жалпы сомасының кемінде 1/2 бөлігін төлейді . 20 қазаннан кейін құрылған бірыңғай жер салығын төлеушілер ағымдағы есепті кезең үшін төленуге тиіс салықтың жалпы сомасын есепті кезеңнен кейінгі жылдың 20 наурызынан кешіктірілмейтін мерзімде төлейді.

Декларация бойынша бірыңғай жер салығының қалдық сомасын төлеу есепті кезеңнен кейінгі жылдың 20 наурызынан кешіктірілмейтін мерзімде жүргізіледі.

3. Салық төлеушілер жер учаскесінің орналасқан жері бойынша аумақтық салық органдарына есепті кезең үшін бірыңғай жер салығы бойынша декларацияны есепті кезеңнен кейінгі жылдың 15 наурызынан кешіктірілмейтін мерзімде тапсырады.

Ағымдағы есепті кезеңге арналған тиісті құжаттармен бірге салық сомасының есебі де ағымдағы жылдың 15 наурызынан кешіктірілмей тапсырылады.

Декларацияның және салық сомасы есебінің нысанын, оларды толтыру тәртібін, сондай-ақ салық есебімен бірге тапсырылатын тиісті құжаттардың тізбесін Қазақстан Республикасы Қаржы министрлігінің келісімі бойынша Қазақстан Республикасының Мемлекеттік кіріс министрлігі белгілейді.

Жаңадан құрылған салық төлеушілер ағымдағы есепті кезеңге арналған қосымшаларымен бірге салық бойынша есепті жеке кәсіпкерді мемлекеттік тіркеу туралы куәлік алған кезде тапсырады.

Салық төлеушілер қызметін тоқтатқан кезде бірыңғай жер салығын төлеу бойынша декларацияны жер учаскесінің орналасқан жері бойынша аумақтық салық органына қызметтің тоқтатылғаны туралы шешім қабылданған кезден бастап 15 күн мерзімде тапсырады.

4. Салық төлеушілер жер учаскесін жер пайдалану құқығында иеленудің нақты кезеңі үшін (салық салу объектісінің өзгерістерін ескере отырып) бірыңғай жер салығын есептейді және төлейді.

5. Шаруа (фермер) қожалығы жер учаскесін басқа шаруа (фермер) қожалығына кейінгі пайдалануға берген кезде тараптардың әрқайсысы жер учаскесін иеленудің нақты кезеңі үшін бірыңғай жер салығын есептейді және төлейді.

6. Шаруа (фермер) қожалығы жер учаскесін кейінгі пайдалануға бірыңғай жер салығын төлеуші болып табылмайтын басқа салық төлеушіге берген кезде, берілген жер учаскесі бойынша бірыңғай жер салығын жалға беруші төлейді.

7. Осы баптың 5 және 6-тармақтарында белгіленген жағдайларда жалға беруші жер учаскелерін жалға беруден алынған табыстар бойынша тиісті салық пен бюджетке төлемдерді жалпы белгіленген тәртіппен төлейді. Жер учаскесін иеленудің нақты кезеңін айқындау үшін жер учаскесін жалға беру жүргізілген ай жалға берушінің иелену кезеңіне қосылады."

53. 138-бапта:

1-тармақта:

бірінші бөлік мынадай редакцияда жазылсын:

"1. Мәмілені жасау кезінде қолданылатын бағаның нарықтық бағадан ауытқуы кезінде салық қызметі органдары салық салу объектілерін трансферттік бағаларды қолдану кезіндегі мемлекеттік бақылау туралы заңдарға сәйкес түзетеді.";

екінші, үшінші, төртінші бөліктер алып тасталсын;

бесінші бөлік 1-1-тармақ болып белгіленсін.

7-тармақтағы "салық" деген сөз алып тасталып, "шот-фактураларымен" деген сөздер "шот-фактуралармен" деген сөздермен ауыстырылсын.

54. 138-1-бап мынадай редакцияда жазылсын:

"138-1-бап. Салық салудың оңайлатылған режимі

1. Салық төлеушілердің жекелеген санаттары үшін патент және оңайлатылған декларация негізінде салықтарды есептеудің және төлеудің ерекше тәртібін көздейтін салық салудың оңайлатылған режимі белгіленеді.

2. Осы Заңның 138-2, 133-3, 138-4-баптарында көрсетілген жағдайларға сәйкес келетін салық төлеушілерге (құмар ойын бизнесі саласындағы қызметті жүзеге асырушыларды қоспағанда) жалпы белгіленген тәртіппен немесе салық салудың оңайлатылған режимінде салықтарды есептеу және төлеу тәртібін таңдауға құқық беріледі.

Құмар ойын бизнесі саласындағы қызметті жүзеге асыратын салық төлеушілер бюджетпен есеп айырысуды Қазақстан Республикасының Қаржы министрлігінің келісімі бойынша Қазақстан Республикасының Мемлекеттік кіріс министрлігі белгілеген тәртіппен патент негізінде жүзеге асырады.

3. Салық төлеудің оңайлатылған режимдерін қолдану үшін белгіленген шарттар сақталмаған жағдайда, оның ішінде дұрыс емес деректер бергені үшін салық төлеуші Қазақстан Республикасының заң актілеріне сәйкес жауапты болады."

55. Мынадай мазмұндағы 138-2, 138-3, 138-4-баптармен толықтырылсын:

"138-2 бап. Патент негізінде салық салудың оңайлатылған режимі

1. Патент негізінде салық салудың оңайлатылған режимі негізінен қолма-қол ақшамен жұмыс істейтін және тауарларды, жұмыстарды, қызмет көрсетулерді жүзеге асыру бойынша шектеулі айналымы бар, сондай-ақ жұмыспен қамтылған қызметкерлердің саны шектеулі жеке және заңды тұлғаларға қолданылады.

Патент негізінде салық салудың оңайлатылған режимін қолдану шарттарын, салықтарды есептеу тәртібін және төлеу мерзімін Қазақстан Республикасы Қаржы министрлігінің келісімі бойынша Қазақстан Республикасының Мемлекеттік кіріс министрлігі белгілейді.

Патент негізінде салық салудың оңайлатылған режимін қолдануға мүмкіндік бермейтін жағдайлар туындаған кезде салық төлеуші оңайлатылған декларация негізінде салық төлеудің оңайлатылған режиміне не салықты есептеу мен төлеудің

жалпы белгіленген тәртібіне көшеді.

Осы баптың ережелері 138-3-баптың 1-тармағында көрсетілген заңды тұлғаларға қатысты қолданылмайды.

138-3-бап. Ауыл шаруашылығы өнімін өндіруші заңды тұлғалар үшін патент негізінде салық салудың оңайлатылған режимі

1. Осы бапта көзделген салық салудың оңайлатылған режимі:

1) жерді пайдалана отырып ауыл шаруашылығы өнімін өндіретін және өзі өндірген ауыл шаруашылығы өнімін қайта өңдейтін және өткізетін;

2) мал шаруашылығының және құс шаруашылығының (оның ішінде асыл тұқымды) ауыл шаруашылығы өнімін төлді өсіруден бастап толық циклмен өндіретін, омарташылық өнімін өндіретін, өзі өндірген осы өнімді қайта өңдейтін және өткізетін заңды тұлғаларға қолданылады.

Патент негізінде салық салудың оңайлатылған режимін:

филиалдары мен өкілдіктері бар,

тәуелді (оның ішінде еншілес) ұйымдары бар заңды тұлғалардың қолдануға құқығы жоқ.

2. Патент бойынша салық салудың оңайлатылған режимі негізінде салықтарды есептеу және төлеу үшін салық төлеуші жер учаскесінің орналасқан жері бойынша аумақтық салық органына Қазақстан Республикасының Мемлекеттік кіріс министрлігі белгілеген нысан және тәртіп бойынша өтініш пен құжаттарды ағымдағы салық жылының 20 ақпанынан кешіктірілмейтін мерзімде тапсырады.

Салық төлеушінің көрсетілген мерзімде өтініш тапсырмауы оның салықтарды жалпы белгіленген тәртіппен есептеп төлеуге келісімі болып есептеледі.

Оңайлатылған режимді қоса алғанда, салық жылының басында тандап алынған салықтарды есептеу мен төлеу тәртібі салық жылының ішінде өзгертілуге жатпайды.

3. Патенттің құнына заңды тұлғалардан алынатын табыс салығы, қосылған құнға салынатын салық, әлеуметтік салық, жер салығы, мүлікке салынатын салық, көлік құралдарына салынатын салық енгізіледі.

Патент құнын есептеу кезінде бюджетке төленуге тиіс салық сомасы 80 процентке кемітіледі.

Патент құнын есептеудің тәртібін Қазақстан Республикасы Қаржы министрлігінің келісімі бойынша Қазақстан Республикасының Мемлекеттік кіріс министрлігі белгілейді.

4. Патент құнының есебіне енгізілген салықтарды төлеу Қазақстан Республикасының Мемлекеттік кіріс министрлігі белгілеген тәртіппен мынадай үш мерзімде:

1) ағымдағы салық жылының 20 мамырынан кешіктірілмей;

2) ағымдағы салық жылының 20 қазанынан кешіктірілмей;

3) есепті жылдан кейінгі салық жылының 20 наурызынан кешіктірілмей жүргізіледі.

Салық төлеушілер патент құнына енгізілген салықтар бойынша декларация ұсынудан босатылады.

5. Осы баптың 1-тармағында көрсетілмеген қызмет түрлерін жүзеге асыру кезінде, оның ішінде акцизделетін өнімдерді өндіру және (немесе) қайта өңдеу кезінде салық төлеушілер табыстар мен шығыстардың (жалақы төлемдерін қоса алғанда), мүліктің (оның ішінде көлік құралдары мен жер учаскелері) бөлек есебін жүргізуге және қызметтердің осы түрлері бойынша тиісті салық және бюджетке төленетін басқа да міндетті төлемдерді жалпы белгіленген тәртіппен есептеуге және төлеуге міндетті.

138-4 бап. Оңайлатылған декларация негізінде салық салудың оңайлатылған режимі

1. Оңайлатылған декларация негізінде салық салудың оңайлатылған режимі, төлем көзінен ұсталатын табыс салығын қоспағанда, заңды тұлғалардан және заңды тұлға құрмай кәсіпкерлік қызметпен шұғылданатын жеке тұлғалардан алынатын табыс салығын (бұдан әрі - табыс салығы) және әлеуметтік салықты есептеу мен төлеудің оңайлатылған тәртібін белгілейді.

Осы тармақта көрсетілмеген салықты және бюджетке төленетін басқа да

міндетті төлемдерді есептеу мен төлеу жалпы белгіленген тәртіппен жүргізіледі.

2. Оңайлатылған декларация негізінде салық салудың оңайлатылған режимінде бюджетпен есеп айырысу үшін есепті кезең тоқсан болып табылады.

3. Егер осы бапта өзгеше көзделмесе, оңайлатылған декларация негізінде салық салудың оңайлатылған режимін мынадай шарттарға сәйкес келетін:

1) заңды тұлға құрмай кәсіпкерлік қызметпен айналысатын жеке тұлғалар үшін:

есепті кезеңде қызметкерлердің орташа тізімдік саны кәсіпкердің өзін қоса алғанда 15 адамнан аспайтын;

кәсіпкерлік қызметтің 5-тен аспайтын түрін жүзеге асыратын;

есепті кезеңдегі табысы 4500 мың теңгеден аспайтын;

2) заңды тұлғалар үшін:

есепті кезеңде қызметкерлердің орташа тізімдік саны 25 адамнан аспайтын;

кәсіпкерлік қызметтің 7-ден аспайтын түрін жүзеге асыратын;

есепті кезеңдегі табысы 9 000 мың теңгеден аспайтын салық төлеуші қолданады.

4. Оңайлатылған декларация негізінде салық салудың оңайлатылған

режимін қызметтердің мынадай түрлерін:

- 1) акцизделетін өнім шығаруды;
- 2) консультациялық, қаржылық, бухгалтерлік қызмет көрсетуді;
- 3) мұнай өнімдерін сатуды;
- 4) шыны ыдыстарын жинау мен қабылдауды;
- 5) жер қойнауын пайдалануды;
- 6) құмар ойындары бизнесін;
- 7) лицензияланатын:
медициналық, дәрігерлік және мал дәрігерлік қызметтерді;
тұрғын үй, коммуналдық-тұрмыстық объектілерді газдандыру бойынша
өндіру, жөндеу және құрылыс жұмыстарын;

күзет, өрт дабылы және өртке қарсы автоматтық құралдарды жобалауды, монтаждауды, жөндеуді және оларға техникалық қызмет көрсетуді; өртке қарсы техникаларды, жабдықтарды және өрттен қорғау құралдарын өндіру мен сатуды; жолаушылар лифтілерін монтаждауды, жөндеуді және оларға қызмет көрсетуді; дезинфекциялау, дезинсекциялау, дератизациялау құралдары мен препараттарын әзірлеуді, өндіруді, қайта өңдеуді және көтере сатуды, сондай-ақ оларды пайдалануға байланысты жұмыстар мен қызмет көрсету түрлерін; жолаушылар мен жүктерді автомобиль көлігімен халықаралық тасымалдауды; емдеу препараттарын әзірлеуді және (немесе) сатуды; жобалау-іздеу, сараптау, құрылыс-монтаж жұмыстарын, құрылыс материалдарын, бұйымдар мен конструкциялар өндіру жөніндегі жұмыстарды; алкогольді өнімдерді бөлшек саудада сатуды қоспағанда, жүзеге асыратын салық төлеушілер қолданбайды.

5. Осы баптың 3-тармағында белгіленген шарттарға қарамастан, салық салудың осы оңайлатылған режимін қолдануға:

- 1) филиалдары, өкілдіктері және өзге де оқшауланған құрылымдық бөлімшелері бар салық төлеушілердің;
- 2) салық төлеушілер филиалдарының, өкілдіктері мен өзге де оқшауланған құрылымдық бөлімшелерінің;
- 3) заңды тұлғалардың еншілес ұйымдарының және тәуелді акционерлік қоғамдардың;
- 4) бірыңғай жер салығын төлеушілердің және осы Заңның 138-3-бабының 1-тармағында көрсетілген салық төлеушілердің құқығы жоқ.

6. Оңайлатылған декларация негізінде салық салудың оңайлатылған режимін таңдау кезінде салық төлеуші тіркелген жері бойынша Қазақстан Республикасы Қаржы

министрлігінің келісімімен Қазақстан Республикасының Мемлекеттік кіріс министрлігі белгілеген мерзімдерде және нысан бойынша өтінішін аумақтық салық органына тапсырады.

Салықтарды есептеу мен төлеудің таңдап алынған тәртібі, осы баптың 11-тармағында көзделген жағдайларды қоспағанда, салық жылының ішінде өзгертілуге жатпайды.

7. Салық төлеуші есепті кезеңнің қорытындысы бойынша оңайлатылған декларацияны аумақтық салық органына есепті кезеңнен кейінгі айдың 10-ына дейін тапсырады.

8. Есепті кезең үшін оңайлатылған декларация бойынша төленуге тиіс табыс салығы мен әлеуметтік салықтың сомасы (бұдан әрі - салық) салық салу объектісіне осы баптың 10-тармағында белгіленген ставканы қолдану арқылы айқындалады.

Төлем көзінен салықтың ұсталғанын растайтын құжаттар бар болған жағдайда, бұрын салық салынған табыстарды қоспағанда, Қазақстан Республикасының аумағында және оның шегінен тыс жерлерде алынған (алынуға тиіс) табыстарды қамтитын есепті кезеңде алынған (алынуға тиіс) табыс салық салу объектісі болып табылады.

Салық төлеуші оңайлатылған декларация бойынша төленуге тиіс салық сомасын қызметкерлердің орташа тізімдік санын негізге алып, әрбір қызметкер үшін салық сомасының 1,5 проценті мөлшеріндегі сомаға кемітеді.

9. Осы баптың 8-тармағына сәйкес оңайлатылған декларация бойынша есептелген салық сомасы табыс салығы мен әлеуметтік салыққа тең үлесте бөлінеді және есепті кезеңнен кейінгі айдың 15-інен кешіктірілмей бюджетке төленуге тиіс.

10. Заңды тұлға құрмай кәсіпкерлік қызметпен шұғылданатын жеке тұлғалардың табыстарына мынадай ставкалар бойынша салық салынуға тиіс:

Тоқсандағы табыстың мөлшері	! Салық ставкасы

1500,0 мың теңгеге дейін қоса алғанда	Табыс сомасынан 4 процент
1500,0 мың теңгеден жоғары 3000,0 мың теңгеге дейін қоса алғанда	60,0 мың теңге + 1500,0 мың теңгеден асатын табыс сомасынан 7 процент
3000,0 мың теңгеден жоғары 4500,0 мың теңгеге дейін қоса	165,0 мың теңге + 3000,0 мың теңгеден асатын табыс

алғанда

сомасынан 11 процент

Заңды тұлғалардың табысына мынадай
ставкалар бойынша салық салынуға тиіс:

Тоқсандағы табыстың мөлшері	!	Салық ставкасы
1500,0 мың теңгеге дейін қоса алғанда		Табыс сомасынан 5 процент
1500,0 мың теңгеден жоғары 3000,0 мың теңгеге дейін қоса алғанда		75,0 мың теңге + 1500,0 мың теңгеден асатын табыс сомасынан 7 процент
3000,0 мың теңгеден жоғары 4500,0 мың теңгеге дейін қоса алғанда		180,0 мың теңге + 3000,0 мың теңгеден асатын табыс сомасынан 9 процент
4500,0 мың теңгеден жоғары 6500,0 мың теңгеге дейін қоса алғанда		315,0 мың теңге + 4500,0 мың теңгеден асатын табыс сомасынан 11 процент
6500,0 мың теңгеден жоғары 9000 мың теңгеге дейін қоса алғанда		535,0 мың теңге + 6500,0 мың теңгеден асатын табыс сомасынан 13 процент

11. Осы баптың 3-5-тармақтарында белгіленген шарттарға сәйкес келмеген жағдайда, салық төлеуші есепті кезеңнен кейінгі тоқсаннан бастап салықтарды есептеу мен төлеудің жалпы белгіленген тәртібіне көшеді.

12. Заңды тұлға құрмай кәсіпкерлік қызметпен шұғылданатын жеке тұлға осы баптың 3-тармағының 1) тармақшасында белгіленген шарттар өзгерген кезде (көрсеткіштердің артуы), заңды тұлға ретінде тиісті тіркеуден өткеннен кейін оңайлатылған декларация негізінде салық салудың оңайлатылған режимін қолдануға

құқылы."

56. 142-бапта:

2-тармақта:

мынадай мазмұндағы 1-1) тармақшамен толықтырылсын:

"1-1) осы Заңға сәйкес салықты және бюджетке төленетін басқа да міндетті төлемдерді уақтылы және толық көлемінде төлеу;"

3) тармақша мынадай редакцияда жазылсын:

"3) қолма-қол ақша, банктің төлем карточкалары, чектер арқылы сауда операцияларын жасау немесе қызмет көрсету кезінде тұтынушылармен жүзеге асырылатын ақшалай есеп айырысуды міндетті түрде фискалды зердесі бар бақылау-касса аппаратын пайдалана отырып және тұтынушының қолына бақылау чегін бере отырып жүргізуге міндетті.

Фискалды зердесі бар бақылау-касса машиналарын пайдалану тәртібін Қазақстан Республикасының Үкіметі белгілейді. Фискалды зердесі бар бақылау-касса машиналары - тауарлар сату және қызмет көрсету кезінде тұтынушылармен ақшалай есеп айырысуды тіркеу үшін пайдаланылатын, ауысым сайынғы түзетусіз тіркеуді және энергияға тәуелсіз ұзақ мерзім бойы ақпарат сақтауды қамтамасыз ететін фискалды зерде блогы бар электронды құрылғы және (немесе) банктің компьютерлік жүйесі. Уәкілетті мемлекеттік орган Қазақстан Республикасының аумағында қолдануға рұқсат етілген фискалды зердесі бар бақылау-касса машиналарының Мемлекеттік тізілімін бекітеді.

Осы тармақшаның ережесі:

акцизделетін тауарларды (темекі бұйымдарынан басқа) сатушыларды қоспағанда, қызметін патент негізінде, тіркелген жиынтық салық төлей отырып жүзеге асыратын және Астана, Алматы қалаларындағы және 100 000 адамнан астам тұрғыны бар облыстық маңызы бар қалалардағы тұрақты белгіленген үй-жайларда бөлшек сауданы жүзеге асыратын жеке тұлғаларға;

акцизделетін тауарлар (темекі бұйымдарынан басқа) сататын жеке тұлғаларды қоспағанда, жеке кәсіпкер ретінде мемлекеттік тіркеуден өткен кезден бастап алты ай мерзім өтпеген жеке кәсіпкерлерге қолданылмайды."

мынадай мазмұндағы 3-тармақпен толықтырылсын:

"3. Қазақстан Республикасының Үкіметі бекітетін тізбемен айқындалатын салық төлеушілер Қазақстан Республикасының нормативтік құқықтық актілерінде белгіленген нысандар бойынша электронды құжаттар түрінде ақпарат табыс етуге міндетті."

57. 147-баптың 2) тармақшасында:

бірінші абзац "осындай ретпен" деген сөздерден кейін ", салық органынан нұсқау алған күннен бастап үш күннен кешіктірмей" деген сөздермен толықтырылсын;

мынадай мазмұндағы бесінші абзацпен толықтырылсын:

"Банк салық төлеушінің бір банк шотынан салық (алым), айыппұл және өсімақы жөніндегі берешекті өндіріп алуға салық органының инкассолық тапсырмасын (өкімін) орындаған кезде, салық төлеушінің аталған банкте ашқан басқа банк шоттарына салық органы шығарған инкассолық тапсырмалары (өкімдері), егер салық органы мұндай инкассолық тапсырмаларды (өкімдерді)

сол сомаға, берешектің сол түріне, сол есептік кезеңге шығарған болса, банк салық органының инкассолық тапсырмасын (өкімін) орындау фактісін растайтын төлем құжатын қоса тіркей отырып, салық органына оны орындамай қайтарады;"

58. 152-баптың 1-тармағының төртінші бөлігіндегі "70-баптың үшінші тармағында" деген сөздер "71-1-баптың 1-тармағында" деген сөздермен ауыстырылсын.

59. 164-бап "ресми ставкасы" деген сөздердің алдынан "1,5 еселенген" деген сөздермен толықтырылсын.

60. 171-баптың 1-тармағында:

1) тармақшада:

бірінші абзац "түсініктемелер алуға" деген сөздерден кейін ", салық төлеушілерді тіркеу есебі;

салық салу объектілерін және салық салумен байланысты объектілерді есепке алу;

бюджетке түскен түсімдерді есепке алу;

қосылған құнға салық төлеушілерді есепке алу;

камералдық бақылау;

салық төлеушілердің қаржы-шаруашылық қызметінің мониторингі;

фискалды зердесі бар бақылау-кассалық машиналарды қолдану

ережелерінің сақталуын бақылау;

акцизделетін тауарлардың жекелеген түрлерін маркалау ережелерінің сақталуын бақылау;

мемлекет меншігіне айналдырылған мүлікті есепке алу, бағалау және өткізу тәртібінің сақталуын бақылау нысанындағы, сондай-ақ Қазақстан Республикасы Қаржы министрлігінің келісімі бойынша Қазақстан Республикасының Мемлекеттік кіріс министрлігі белгілеген тәртіппен акциздік бекеттер құру жолымен бақылауды жүзеге асыруға" деген сөздермен толықтырылсын;

екінші абзац мынадай редакцияда жазылсын:

"Бұл ретте жүргізілетін тексерулерді қоса алғанда, жүзеге асырылатын бақылау салық төлеушілердің қызметін тоқтата тұруға әкеп соқпауға тиіс;"

4) тармақша "табыс етпеген жағдайда," деген сөздерден кейін ",

сондай-ақ салық төлеушілер 142-баптың 3-тармағында аталған электрондық құжат түріндегі ақпараттарды Қазақстан Республикасының нормативтік құқықтық актілерінде белгіленген нысандар бойынша табыс етпеген жағдайда," деген сөздермен толықтырылсын.

61. 175-бап мынадай мазмұндағы 1-1-тармақпен толықтырылсын:

"1-1. Жеке тұлғаларды қоспағанда, салық төлеуші төлеген салықтың және бюджетке төленетін басқа да міндетті төлемдердің жалпы сомасы туралы мәліметтер құпия болып табылмайды."

2-бап. Мемлекеттік бюджетке берешекті:

1) салық сомасын;

2) есептелген өсімдерді;

3) есептелген айыппұлдарды - өтеу кезектілігін белгілей отырып,

153-баптың қолданылуы 2002 жылғы 1 қаңтарға дейін тоқтатыла тұрсын.

3-бап. Осы Заңның 2001 жылғы 1 шілдеден бастап қолданысқа енгізілетін 1-бабының 31-тармағын, 34-тармағының жетінші абзацы мен 36-тармағын және 2000 жылғы 1 қаңтардан бастап қолданысқа енгізілетін 1-бабының 53-тармағын қоспағанда, осы Заң ресми жарияланған күнінен бастап қолданысқа енгізіледі.

Қазақстан Республикасының
Президенті

Мамандар:

Қасымбеков Б.А.

Багарова Ж.А.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК